

Gvangjsih Minzcuz Bau

Cawiguenj: Gvangjsih Bouxcuengh Swcigih Minzcuz Cunghvau Swvu Veijvenzvei

Cawjbanh: Gvangjsih Minzcuz Bause

Geiz neix 8 bani

Aenhauh okbanj: CN45-0036

B.2024

Nd.4 Ng.3

Liggaeuq gyapsaenz nienz ndwenngaih ngeihhaj

Geizsoq: Gungh daih 3616 geiz

Bi 2024 “Sam Nyied Sam Gvangjsih Youq Ging Yawj Feihyiz” Baenzroix Hozdung Youq Baekging Haimuq

3 nyied 30 hauh, bi 2024 “Sam Nyied Sam Gvangjsih Youq Ging Yawj Feihyiz” baenzroix hozdung youq Baekging hainduj guh, hozdung youz Swcigih Cwngfuj Cuginghban lienzhab Swcigih Minzcunghveij, Cungigunghveij, Vwnzva Caeuq Lij-youzdingh, Sanghvudingh, Dijyuzgiz daengj danhvei youq Baekging caez-caemh banh.

Gwnz aen yizsiz hainduj, cawj-banh danhvei faenbied soengq cek saw 《Cunghvaz Minzcuz Gungdungzdi Gyonglwnh》hawj boux daibauj hag-

seng gauhyau, vunz guhhong cauhnieb daeuj camgya hozdung haenx. Gyoengq vunz youq Baekging guhhong cauhnieb daeuj doxdax bengcag, miz 16 aen doih camgya, ginggvaq doxdax, doeklaeng Aen Doih Singzheu Cungguek ndaej daihdaez, Aen Doih Mbanj Souhgyaeu Hozciz, Aen Doih Simndei Liujcuh faenbied ndaej daihngaih caeuq daihsam.

Dieg guh hozdung, beixnuengx Myauzcuz ndang daenj buhvaq minzcuz caeuq dawz gaiqngaenz dajcang, angqyangz boq venz diuq foux;

hagseng Nanzningz Cizyez Yozyen yienj dwkdom, daenj maxfaex daengj Gvangjsih minzcuz cienzdoengj dijuj; aen doih saeceij Dwngzyen youq yienhciengz foux saeceij ndeiyawj hawj vunzlai yawj; youq dieg langhbaij huqndei feihyiz, miz haujlai bouxgeq caeuq lwngyez daeuj dajgaj youzcet.

Ciuq cam rox, bi 2024 “Sam Nyied Sam Gvangjsih Youq Ging Yawj Feihyiz” baenzroix hozdung neiyungz lailang, hingzsiq laiyingh, cujyau neiyungz dwg “caet aen ndeu”, couh dwg ciengz minzcuz feihyiz

vwnzva hoihhoengh ndeu, daiz vwnzva cienzswnj vanjvei ndeu, ciengz Gvangjsih Baekging gak cuz bouxcoz nyezrauh vwnzva doxgyau hozdung ndeu, lwnz cihsiz Betgveiq doxdax ndeu, hangh Baekging Gvangjsih vwnzva langhbaij caeuq sibinz boq-cuengq ndeu, baez “huqndei namz baek” doiqvah ndeu caeuq duix feih Gvangjsih faenj Gvangjsih byaek Gvangjsih haeuj buvej (yangghi) ndeu.

(Hij Danhdingz daj 《Gvangjsih Yizbau》aeu daeuj genj hoiz)



Lozcwngz: Gak Cuz Beixnuengx Doxcomz Gwn Ngaizdaizraez

3 nyied 30 hauh, youq Hozciz Si Lozcwngz Mulauj-cuz Swciyen Navungh Yangh, hekyouz caeuq dangdieg vunzlai caez gwn ngaiz-daizraez. Ngoenzhaenx, aen yangh neix guh hozdung yienj fungsug Yauzcuz, gak dieg hekyouz caeuq beixnuengx dangdieg caez ganggoj caez gwn ngaiz, hawj hekyouz ndaej lai roxyiuj gij vwnzva beixnuengx dangdieg.

(Liu Gvanghfuz ingi)

Hawfwen Yangjnganz Denzdungh Aeu Fwen Gyau Youx

3 nyied 28 hauh, bi 2024 Denzdungh • Swhliz hawfwen Yangjnganz youq Denzdungh Yen Swhliz Cin banh, doenggyaq doxdax eu Fwenleux, baijgai gijgwn ndei caeuq huq reihnaz, bouxminz guh fwen, hozdung mizyinx, vwnzyi vanjvei daengj baenzroix hozdung, langhbaij gij yinxdaez Fwenleux Bouxcuengh,

hix yinx canghfwen gak dieg daeuj doxcomz, caezcaemh gvaq hawfwen.

Hawfwen Yangjnganz Denzdungh dwg swcigih gaep feihvuzciz vwnzva yizcanj daibaujsing hanghmoeg, liz seizneix gaenq miz 270 lai bi lizsij.

Vih raeb Sam Nyied Sam Gvangjsih daeuj daengz, hawfwen bineix miz hozdung laiyingh. Gwnz

haimuqsik, yienj 《Fwen Gingqlaeuj Denzdungh》le, riengzlaeng, 《Beixnuengx》《Baksaek Doenghlig》《Sajdez》daengj lai aen cizmuz ndeiyawj doxlwnz hwnj daiz yienj, vunzlai ndaej yawj ciengz heiq mizyinx raixcaix ndeu.

Ngoenzhaenx guh fwenvuengz doxdax, yinx ndaej haujlai boux gyaez

fwen caeuq hekyouz aen yanghcin henzgyawj daeuj yawjngonz. Yienhciengz vunz lai vunz daih, gyoengq canghfwen doxlwnz hwnj daiz eu fwen, langhbaij sing fwen bonjfaenh, aeu fwen gyau youx, aeu fwen cienz cingz. Coenzfwen neiyungz lai, sing fwen rwenzhap, ndeidingq raixcaix.

(Ciengj Vwnzyoz)